

جَزَائِرَ مَحَاكِمَ

جمعه ایرتسی

نومرو	جاذی الاولی	سنه	تشرین اول	سنه	صفحه
۸۹۷	۱۶	۱۳۱۴	۱۲	۱۳۱۲	۱۲۶۶۹

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکریمی فروش)
 (حسابیله التمش فروشدر . طشره لر ایچون اون بش فروش پوسته اجرتی ضم اولنور . بهر)
 (نسخہ سی ینہ مجیدیه یکریمی فروش اولقی اوزره یوزیاره به هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولقی استیانلر عدلیه نظارتی)
 (دأره سنده کائن جریده محاکم اداره سنه مراجعت ایللیدر)

قسمت سہمی

توجیہات

حلب ولایتی استیناف محکمہ سی جزا دائرہ سی
 ریاستی معمورة العزیز ولایتی استیناف محکمہ سی
 جزا دائرہ سی رئیس سابق شا کر افندی بہ
 حلب ولایتی استیناف محکمہ سی مدعی

عمومیلکی بیروت ولایتی مرکز بدایت محکمہ سی
 جزا دائرہ سی رئیس لطفی بک

بیروت ولایتی مرکز بدایت محکمہ سی جزا
 دائرہ سی ریاستی محکمہ مذکورہ مدعی عمومی
 معاونی محمد صدرالدین افندی بہ

بیروت ولایتی مرکز بدایت محکمہ سی
 مدعی عمومی معاونلکی قدس شریف سنجانی
 بدایت محکمہ سی مدعی عمومی معاونی محمد علی
 افندی بہ

ادر نه ولايتى بدایت محکمه سى ریاست
اولامى يانیه ولايتى مرکز نائى ومحکمه استیناف
حقوق دائره سى رئيسى فضيلتو عبدالرحمن نسيب
افندى به تفویض بیورلش ومومى الیهمدن
شا کر وصدر الدین ومحمد علی افندیلرله لطفی بك
مأموریت سابقه لرینه حین تعیینلرنده تحلیف
اولندقلری کبی عبدالرحمن نسیب افندینك دخی
اصول مقررده وجهله امر تحلیفك اجراسیچون
محلنه تبلیغات لازمه ایفا قلنمشدر .

(۹ جادی الاولی سنه ۳۱۴ وفی ۵ تشرین اول)
(سنه ۳۱۲ تاریخیه بالجله ولايات استیناف)
(محکمه سى مدعى عمومیلرینه ومدعى عمومى)
(بولنمیان محللرمدعى عمومى معاونلرینه یازیلان)
(تخریرات عمومیه صورتیدر)

طیب یوزباشیلرنندن صائب و ابراهیم افندیلرک
دردنجی وعلی رضا افندینك بشنجه اردوی
هایونلره تعیین اولنهرق محل مأموریتلرینه عزیمت
ایتمک اوزره خرچراهلری دخی ویرلش اولدینی
حاله برلرینه کتیمیوب اوروپایه فرار ایتدکلری

مرکز قوماندانلغندن ویریلان خطرده کوسترلنسنه
مبنی مومى الیهك عودتلرنده ویاخود اخذ
وکرقتلرنده حققرنده معامله قانونیه اجرا اولنقی
ودیپلومه لری اخذ ایله دوائر دولتک هیچ برنده
برصورتله قوللانماق اوزره شمیدین قیدلرینك
ترقیی خصوصنه لدی الاستیذان اراده سنیه جناب
خلافتیناهی شرفسنوح وصدور بیوریلهرق بولنرک
هیچ برصورتله خدمات دولنده استخدام
واجرای طبابت ایتدیرلامسى ایچون معامله
مقتضیه نك ایفاسی طرف والای سرعسکریدن
النان ۲۳ تموز سنه ۳۱۲ تاریخلی تذکرده ازابار
قلنمش وکیفیت بالعموم دوائر وولایات ایله الویه
مستقله به بیلدیرلش اولدیفندن امر وفرمان هایون
حضرت جهاندارى حکم منیفنه توفیقاً نظارتجهده
ایجابنك اجراسی داخلیه نظارت جلیله سندن
وارد اولان ۲۶ اغستوس سنه ۳۱۲ تاریخلی
تذکرده اشعار قلنمش اولمقله برمنوال محرر
ایفای مقتضاسنه اعتنا قلنمسی سیاقنده شقه

قسم غیر رسمی

محکمه استیناف حقوق قسمندن ۱۰ تشرین اول
سنه ۳۱۰ تاریخلی ویوز یکریمی درت عددی ایله
صادر اولان اعلامک مابعدی

ایدلش بولنان برتعهدک تأمین اجراسنه مصروف
بولنسنه ومزایدنك سلا نیک ولایت جلیله سنك
رسمی غزیه سبیله اعلان ایدلدیکی کبی فساد
مزایدنك دخی تصدیق اولدیفنی ایما ایدراعلان
ابتدائیده هیچ بر فقره اولمدیغنه وضرر وزیران
مسئله سنك دخی مسئولینك تعیینندن صکره تدقیق
ایدلمسی ضروری بولندیفنه بناء اعلام مستأنف
بهك تصدیقنه حکمدن ومستدعی خزیننه مشارالیهها
وکیلی رحى افندینك اشبو حکم علیهنده کی
اعتراضاتنك باشوچه سى عند الاستیناف محکمه
تمیزك مقدما نقضی حاوی ویرلش اولدینی
اعلامده کوسترلدیکی وجهله خزیننه جلیله وکیلی
جانبندن استینافاً درمیان اولنان اعتراضاتک
یکان یکان اسباب موجب اراثة اتمکمزین ردایدلمسی
وایکنجه مقاوله نامهده کوس-تریلان اورمانلرک
برنجی مقاوله ده کی اورمان داخلنده اولدیفنی

وبناء علیه ایکنجه مقاوله موجبنجه خارج
براقیلان اورمانلرده ملتزم عبق افندینك برکونه
انتیاز و انحصاری بولندیفنی جهتله بشکراراشتراسنه
طالب اولمسبیله مقاوله اولیده کی اون اوچنجه
ماده حکمنی بالرضا اسقاط ایلدیکی حالده درجه
اولی محکمه سنخه بوکادائر درمیان اولنان ادعا نك
بلا تدقیق رد ایدلمسنك قانونه مغایرتی حقنده
محکمه استینافیهده درمیان اولنان اعتراضک تدقیق
اولنقسزین ردی طرفنه کیدلمسی ومنازع فیه
اورمانلرده کی اشجارک بیخنده غبن وقوع نك
تحقق ایتسندن ناشی خزیننه نك بیی فسخ ایتدیکی
حقنده کی ادعا سنك دخی تدقیق مقتضی اولدینی
حاله بو بایده کی عقدک بیوع عادییه قیاس
ایدیله میه جکی بیانیله مجله حکمنه توفیق معامله
اولنماسی ومذکور اورمانلرک بالمزاید اشترا
قلدینی تذکار ایدلدیکی حالده بالاخره مذکور
اورمانلرک مزاید طریقله احاله قلندیفنی بیان
ومیعک عدم تسلیمى دعوی ایله عبق افندینك
عقدثانییه استناداً اشترا ایلدیکی اغاجلری تصرف
واستهلاك ایلنمسندن طولای خیار غبنك سقوطی
ادعا ایدلمسیله ایشده تناقض درکار بولندیفنی حالده
بورالرینك دخی تأمل اولنماسی مغایر قانون
اولدیفندن بختله اعلامک نقضی استدعاسندن

ومعاون موسى اليهك مطالعةسى دخى مقدمى
اعلام تمیزیده مندرج اولدینی اوزره غبن فاحشه
داثر اولان ادعا بالتدقیق موقع ثبوت ایصال
ایدیله مدیكى كی اعلام ابتدائی علیهنده کی اعتراضات
دخى بالتدقیق اسباب موجب سببه رد اولمش
اولسنه مبنی اعتراضات واقعه نك موافق قانون
اولدینی بیانندن عبارت بولمشد.

ایجابی لدی المذاکره تمیزی طلب اولسان
اعلام مذکور مندرجاتندن اکلایلدینی اوزره
منازع فیہ اورمانلر حقتده اخیراً طرفین بیننده
تعاطی قلنان ایکنجی مقاوله نامه مقاوله اولانك
بخش ایتدیكى حق امتیاز وانحصارکفسخی
موجب برحکمی حاوی اولدینی ومقاوله
ثانیه دخى نتیجه مزایده اوله رق عیق افندی ایله
عقد ایلدیكى ومزایده واقعه نك فسادینه داثر
اعلام ابتدائیده برقره کوریلهمدیكى ومزایده ده
فساد بولنسه بیل بوندن نظارت مشار الیها مأمور
ینك مسئولیتی لازم کلوب فسخ حاله اقتضایتمیه جکی
بیانیله حکم ابتدائینك تصدیقه قرار ویرلمش
ایسه ده مقاوله اولی افندی مشار الیه حاله
اولنان شیء کسندیره اورمانلرندن کور حرق
وسلانیك ولایتك معلوم الاسامی دیگر تضاری

اورمانلرندن کراسته قطعی اولوب ایکنجی مقاوله
ایله حاله اولنان شیء ایسه کسندیره اورمانلرندن
کراسته قطعی خصوصی اولسنه کوره محکمه
استینافیه جه اول امرده تدقیق اوله حق جهت
هر ایکی مقاوله نامه ایله حاله اولنان شلر بر میدر
یوقسه آرو آرو میدرو آرو آرو اولدینی تقدیرده
ارتق مقاوله اولیده کی امتیاز وانحصار مقاوله ثانیه
ایله حاله والتزام وقوعنك مخالف دوشوب
دوشمیه جکی مسئله سی ایکن محکمه مذ کوره جه
ایشك بوجهندن ذهول اولنسی وخزینة جلیله
وکیلی مقاوله اولانك اون اوچنجی ماده سنك
انفساخته سبب افندی مشار الیهك ایکنجی
مقاوله به کوریشمسی قضیه سی ایدوکنی بیان
ایتمکده اولدینی حاله محکمه مذ کوره جه اشوب سیدک
مذکور ماده نك انفساختی موجب اولوب اولدینه داثر
برقرار ویرلامسی ومزایده به بفساد قارشیدینی معین
درجه اولی اعلامنده سلانیك ولایتی والیسنك
۱ تشرین ثانی سنه ۳۰۶۶ تاریخلی ودفتردار ینك تشرین
اول سنه ۳۰۶۶ ۳۰۹ تشرین اول سنه ۳۰۶۶ تاریخلی
تحریرات تلغرافیلری درج وحکایه اولدینی حاله
محکمه استینافیه جه مکاتیب مذ کوره نك فساد
مزایده نی موجب اولوب اولدینه داثر برقرار
ویرلامسی وفساد مزایده انفساخ حاله نی موجب

ایکن بوسورت یالکز مأمورین مالیه نك مسئولیتی
استلزام ایده جکنه ذهاب اوله رق مقاوله ثانیه نك
بقاسنه ومزایده نك منعنه داثر اولان قرار
ابتدائینك تصدیقه حکم اولنسی نقصانی تدقیقاندن
نشأت اتمش احوال دن اولفله یولسز ومقار قانون
بولمش وخزینة مشار الیها وکیلی رحی افندیك
باشلوجه اعتراضاتی بوجهته متداثر اوله رق شایان
قبول کورمش اولدینی کبی معاون موسى اليهك
مطالعه سی دخى موافق نفس الامر اولدینه ندن
اصول محاکمه حقوقیه قانوننك ایکوز اوتوز ایکنجی
ماده سی موجبجه اعلام مذ کورک تقضیه قانون
مذ کورک ایکوز قرق دردنچی ماده سی حکمنه
توفیقاً کیفیتک صور مشروحه دائره سنده تدقیقه
حکم واعلامه ربطی ضمیمه ده قسم مذ کوره
اعاده سنه وزیرده مفرداتی مرقم ایکوز لای طقوز
یحق غروش مصارف تمیزی نك ایلروده حقسز
حقیقه حق طرفه رجوع ایتک اوزره اول امرده
مستدعی خزینة مشار الیهادن اخذ واستیفاسنه
۸ اغستوس سنه ۳۱۱ تاریخنده متفقاً قرار
ویرلهرک تفهیم قلندی.

ارکلی بدایت محکمه سندن ۲۲ ایلول
سنه ۳۱۰ تاریخی واسکسان عددی ایله صادر
اولان اعلامک تمیزی نی استدعا ایدن ارکلی قضیه
سنك رومیان محله سنده مقیم خرستو قلفه ایله
مدعی علیها محله مذ کوره ده ساکنه ازماریجه
خاتون یوم معینده داثره به کلدکلرندن اصول
محاکمه حقوقیه قانوننك ایکوز یکرمی طقوزنجی
ماده سی موجبجه تدقیقات تمیزی به اجراسنه
ابتدار اولندی.

اعلام مذ کورک خلاصه مائی مزبوره
ازماریجه خاتون ارکلی قضیه سنده کاش عهد
تصرفنده اولان معلوم الحدود برقطعه عرصه سنه
مخصوص عرضاً اوچ آرشون طریقه مرقوم
خرستونك منع مداخله سنی طلب ودعوی ایله
برقطعه طابوسندی ابراز واعطا ایتسنه قارشو
عندالحا که مرقوم خرستو محل مذ کورک طریق
اولدینی انکار ایدرک شرا تحت تصرفنده بولندی
بالبیان ابراز ایتدیكى ایکی قطعه طابوسندی ایله اثبات
ایتدیكى مدافعه درمیان ایلمش ایسه ده اولبایده اجرا
قلنان محاکمه وتدقیقات نتیجه سنده مرقوم خرستونك
ابرز ایلدیكى سندلر مدعی مزبورک تصرف سنديك
تاریخندن مؤخر بولنسنه وتاریخی مقدم اولان
مزبوره نك تصرف سننده عرصه نك طرف

ثلثه سی پول کوسترلمسینه و محل منازع فیهک مدعی مزبور به حق مرورینه متروک طریق خاص بولدیغی اجرا قلنان کشف و تحقیقاته ثابت اولدیغنه بناءً مرقوم خرسیتونک محل منازعه به شراء تصرف و ملکیت ادعاسنک ردیله محل منازعه نک کافی السابق مدعیه ازماریچه خاتونک حق مرورینه ترکنه مجبور طوتمسینه حکمدن و مستدعی تمیزک اشبو اعلام علیهنده لایحه سنده محرر باشلوجه اعتراضی محل منازع فیه حقدنه خصمی جانبدن ابراز ایدیلان طایبو قوچاننک تصنیع و تزویردن سالم اولدیغی حالده مدار حکم اتخاذ ایدلسی و کندوسنک سندی سندات رسمیه دن اوله رق مرجع طوتمق مقتضی ایکن بوراسنک نظردقته التماسی و محل منازع فیهک محنده کشفی ایچون ویریلان قرارده اهل وقوف و خبره تعیین و شهود شخصیه اقامه ایدلیسه رک حکم اعطا قلمسی مخالف قانون اولدیغندن بحکله اعلامک نقضی استدعاسندن و مدعی علیهانک نتیجه جوابی دخی اعتراضات مذکوره نک واهی اولدیغی بیانیله ردی و اعلام مذکورک تصدیق طلبندن عبارت بولمشدر .

ایجابی مذاکره اولندقدنه تمیزی طلب اولنان اعلام مذکورک نتیجه مالی مزبوره ازماریچه خاتونک عرصه سنه متروک و مخصوص طریق اولدیغی اصولاً تبیین ایدن محل منازع فیه مرقوم خرسیتوقالقه جانبدن شراء تصرف و ملکیت ادعاسنک ردیله محل مذکورک کافی السابق مدعی مزبور نک حق مرورینه ترکنه مجبور طوتمسینه حکمدن عبارت اولمسینه نظراً حکم مذکور اسباب موجبیه به مستند و اصول و قانونه موافق اولوب مستدعی تمیزک بالاده محرر اعتراضاتیه اعتراضات سائر مدعی نقض حکمی موجب کوریه مدیکنه بناءً اعتراضات مباحوث عنهانک ردیله اعلام مذکورک تصدیق و زیرده مفرداتی مرقم یوز یکریمی اوچ یحقی غروش مصارف تمیزی به نک مستدعی تمیزی عاقد اولمق اوزره اول امرده مدعی علیها ازماریچه خاتوندن التمسینه ۱۴ مارت سنه ۳۱۲ تاریخده متفقاً قرار ویرلدی .

یانیه ولایتی استیناف محکمه سندن ۲۱ مایس

سنه ۳۱۰ تاریخی و اون طقوز عددی ایله ویریلان اعلامک تمیزی استدعا ایدن رسومات امانت علییه سی و کیلی نظام الدین نک ایله مدعی علییه پروزه قصبه سنده ساکن تاجر سموئل ماچه و کیلی ادیب افندی یوم معینده دائریه کمدکلرندن ایضاحات شفاهییه سیله باش مدعی عمومی معاوئلرندن سعادتلو بورغا کی افندی نک مطالعه سی استماع قلندقدن صکره تدقیقات تمیزی به اجراسنه ابستدار اولندی .

اعلام مذکورک خلاصه مالی مزبور سموئل ماچه نامنه اوله رق اوروبادن ورود ایدن معلوم المقدار کاوساله و اشیای سائر نک رسم کمرکندن فضله اوله رق جزای نقدی نامیه پروزه رسومات نظارتی طرفندن فضولی اخذ ایدیلان سکزیبیک اوچیوز الی غروشک استردادینی پروزه بدایت محکمه سنده طلب و دعوی اتمسینه قارشو مدعی علییه رسومات نظارتی و کیلی دخی اشیای مذکوره حقدنه کی معامله حیل و خدعه نظامنه مه سنک بشنچی ماده سنک فقره اخیر سنه توفیقاً اجرا ایدلمش و ابوشمه طریقیه ایکی قاتدن اقل اولماق اوزره رسومات مأمورلری اشیای صاحب رندن جزای تقدی المغه صلا حیتدار

اولدقلرندن اکا بناءً مدعی مرقومدن بش قات جزا اوله رق رسم کمرک استیناف ایدلمش و مأمورین رسومیه نک اختلاسات واقع لرینه مرقوم سموئلک دخی اشتراکی بولشمش اولدیغی مدافعه بیان وادعا ایلمسی اوزرینه جریان ایدن محاکمات و تدقیقات نتیجه سنده دعوی واقعه ده حیل و خدعه به دایر جهت اولدیغی بیانیله مبلغ مدعاهک نظارت مذکوره دن لزوم تحصیلنه دایر محکمه مذکوره دن ویریلان اعلامک عندالاستیناف فسخیله دعوی واقعه نک مجلس اداره به عاقد اولدیغنه دایر اتخاذ قلنان قرارک محکمه تمیزاستدعا دائره سنجه بالتدقیق رسومات مأمورلریله اشخاص بیننده متحدث دعاوی نک رؤیتی محاکم نظامیه به عاقد اولدیغی کی بوی خصوصیه بیان اولنان ابوشمه کیفیتی اجرا قلنان تدقیقات ابتدائیه ایله متحقق اولدیغی تقدیرده جرائم مشترکدن اولمق حسیله انکدخی رؤیتی محاکم نظامیه به عاقد اولمسینه کوره عندالاستیناف بورالری نک نظر اعتباره التمسین بلا تدقیق دعوا نک مجلس اداره به عاقد یتنه قرار ویرلمسی بولسز و مغایر قانون اولدیغندن اعلام مذکورک نقضیه محکمه مذکوره به اعاده قلمسی اوزرینه محکمه مزبوره جه بتکرار جریان ایدن محاکمات و تدقیقات استینافیه نتیجه سنده

دکین اثنای محاکمه مدعی عمومینک حضوری مشروط ایکن مأمور مومی الیهک حاضر بولند. برلما سی و اولیاده کی ضبطنامه ده محرر اولدینی اوزره مرقوم سموئل جزای نقدی مذکور باریضا تسلیم صندوق ایلدیکی میدانده اولدینی کی رسومات مأمورلرینک تنظیم ایلدیکی ضبطک نظر اعتباره النماش و غیاباً و یا خلاصه اعلامه دخی درج ایدلماش اولدینی کی رسومات مأمورلرینک طوئدینی ضبط ورقه سنک قانوناً احتیاجه صالح اولوب خصوصیه اشیا مذکوره نک مصادره سنه مأمور اولانلرک شاهد مقامنده محکمه جه جلب واستماع قلمامسی و مرقوم سموئل حقی اولدینی تقدیرده برقطعه رسمی ورقه ایله اخطار ایتمک لازم کلور ایکن ببولده دخی برتشبث قانونیده بولندینی حالده یانیه استیناف محکمه سنجه بورالر. بیک نظر اعتباره التمسین بلا موجب پروزه بدایت محکمه سی اعلامنک تصدیقه قرار ویرلسی بولسز و مغایر قانون اولدیندن بختله اعلامنک نقضی استدعاسندن و مدعی علیه سموئل وکیل ادیب افندی بیک بوکاکارشو نتیجه اجوبه سی ایسه اعتراضات مسرووده نک واهی و بی اساس اولدینی بیانیله ردی و موافق اصول و قانون اولان اعلامنک تصدیقی طلبندن و معاون مومی الیهک

مرقوم سموئل ماچه نک رسومات مأمورلرله اشیا مذکورینی قاجیرمق مقصدیه اویشدینی اصولاً درجه تحققه وارمدینی کی پروزه مجلس اداره سندن صادر اولوب ابراز اولنان اعلام مآله نظراً رسومات مأمورلرینک دخی بوبایده کی فعل و حرکتلری اموال میریهی سرقت تصدیسنه مقارننی ثابت اوله میوب فعل واقع اوامره عدم رطایت درجه سنده قالمش اولدینی ا کلاشلدیقه بناء اولیاده کی ادعا نک ردینه محکمه تمیز اعلامی موجبجه دعوای مجبوثه نک مرجع رؤیتی محاکم نظامیه اولوب بدایه و استینافاً تدقیقات لازمه ایفاقلندیقه بناء رسومات نظارتی وکیلنک فسخ حکم حقننده کی اعتراضاتنک دخی ردیله حکم قانونه و اصول محاکمه موافق اولان سالف البیان پروزه بدایت محکمه سنک ۲۳ تشرین اول سنه ۳۰۷ تاریخ ویکرمی التی نومرولی اعلامنک اصول محاکمه حقوقیه قانوننک یوز طقسان التبی ماده سنه توفیقاً تصدیقه حکمدن و مستدعی تمیز رسومات امانت علیه سی وکیل نظام الدین بیک اشبو حکم علیهنده کی اعتراضاتنک خلاصه سی تشکیلات محاکم قانوننک ماده مخصوصه سی موجبجه بوکی اموال میریهیه حاند دعوانک ابتداسندن تفهیم و حکم قراره

علیه مرقوم سموئلنک التمسینه ۱۴ ایلول سنه ۳۱۱ تاریخنده متفقاً قرار ویریلده ریک طرفین وکیللرینه تفهیم قلندی.



ایجابی مذا کره اولندقدده اعلام مذکورک نتیجه مالی مرقوم سموئل نامه اوله رق اوروپادن ورود ایدن اشیا متوعه نک رسم کر کندن فضله پروزه رسومات نظارتنجه فضولی اخذ اولدینی عندالحا که تحقق ایدن سکر بیک اوج یوز الی غروش رسمک نظارت مومی الیهادن تحصیلنه دائر پروزه بدایت محکمه سندن صادر اولان اعلامنک عند الاستیناف تصدیقه حکمدن عبارت اولسنه نظراً حکم مذکور اسباب موجبیه مستند اصول و قانونه موافق بولندیقه و مستدعی رسومات وکیل نظام الدین بیک تمیزاً سرد ایلدیکی بالاده محرر اعتراضاتیله اعتراضات سائره سی نقض حکمی موجب کوریه مدیکنه بناء ردیله اصول محاکمه حقوقیه قانوننک ایکوز اوتوز برنجی ماده سی موجبجه اعلام مذکورک تصدیقه وزیرده مفرداتی مرقم ایکوز سکر غروش مصارف تمیزیه نک مستدعی رسومات نظارتنه رجوع ایتمک اوزره اول امرده مدعی

ایجابی مذا کره اولندقدده اعلام مذکورک خلاصه مالی مزبورده حصیرجی زاده احمد اغانک حال حیاتنده متوفی بازار باشی حاجی محمد اغا زاده مصطفی و محمد اغالردن یکرمی بییک غروش مقابلنده اولان وفاء وبعده قطعاً اشترا ایلدیکی عینتابک توبه

محلّه سنده کائن معلوم الحدود برباب خانه نك یدی
حصه اعتباریله الی حصه سینه مزبور عیسی بشه
زاده حاجی محمد افندی طرفندن بالغ مرقومان
مصطفی و محمد اغارک بدر لری متوفای مرقوم
پازار باشی محمد اغا ذمتنده الاجق اداسیله
وخانه مذکور متوفای مرقومک ملکی ظنیله تحت
بجزه الیرلمش ایسه ده خانه مذکور الیوم
کنندوسی ذی الید اولوب بجز وضی فضولی
اولدیغندن بختله بجز موضوعک فکئی ومداخله
واقعه نك منعی طلب ودعوی واثبات مدعا ضمنتده
برقطعه اعلام شرعی وبرقطعه سند ابراز واعطا
ایتمسه قارشو مدعی علیه عیسی بشه زاده حاجی
محمد افندی ذخی متوفی بازار باشی حاجی محمد
اغاک دیون متفرقه سی وکندوسنک الاجفی
محکوم بولمغله مخلفا تندن اولان منزل مذکورک
بیعیله اتمانندن دینک تسویه سی لازم کله جکی
وقبل الایفا الدیون ورته بیتمده ترکه نك تقسیم
جائز اولیه جفی جهته قضای دیوندن اول ورته
جانیندن واقع اولان بیع وشرا معامله سنک
حکمسزلیکی ورته دن مصطفی اغا نك افلاسی اعلان
اولمش اولمسه کوره کندوسی مجبور بولندیغندن
بوجهته ده بیع وشرا نك صحیح اولیه جفی مدافعه
درمیان ایلمسی اوزرینه اولسایده اجرا قلنان

محاکات وتدقیقات نتیجه سنده خانه نك یدی حصه
اعتباریله الی حصه سنی مرقوم خصیرجی زاده
احمد اغا نك متوفی بازار باشی زاده لردن بالاشترا
واضع الید بولندیفی تبیین وتحقق ایلمش اولدیغندن
مرقوم عیسی بشه زاده حاجی محمد اغا طرفندن
خانه مذکورک یدی حصه اعتباریله الی حصه سینه
وضع اولنان بجزک فکئی والاجق اداسندن
طولای مرقومک محکمه شرعیه به مراجعت
ایلمسه حکمدن واشبو حکم علیهنده مستدعی تمیز
عیسی بشه زاده حاجی محمد افدینک لایحه سنده
محرر اعتراضاتک باشلوجه سی تجارت محکمه سنجه
استحصال ایلمش اولدیفی برقطعه اعلام موجب بجه
متوفی بازار باشی حاجی محمد اغا ذمتنده محکوم به
الاجفی بولمش واعلام مذکور لایتبیر حالی
اکتساب ایتمش ایکن محکمه بجه ترکه متوقاده
اولان مطلوبی ایچون کندوسنک محکمه شرعیه به
مراجعت ایتمسی لزومه قرار ویرلمسی مغایر قانون
اولدیغندن بختله اعلامک نقضی استدعا سندن
ومدعی علیهم احمد اغا ورته سندن مخدومی
محمد سامی افدینک لایحه سنده مندرج نتیجه
جوابی ذخی حکم واقع اسباب موجب به مستند
واصول وقانونه موافق اولدیفی بیانیله واهی وبی
اساس اوله رق درمیان اولنان اعترا ضک

ردی واعلامک تصدیق طلبندن عبارت
بولمشدر .

ایجابی مذاکره اولندقدّه اعلام مذکور
مألندن اکلاشلدیفی اوزرینه دعوی واقعه
متوفانک بورجی ایچون داین طرفندن تحت
بجزه النان خانه نك فکی حقنده اولمسه کوره
منازع فیه اولان خانه مدیون متوفانک ملکی
ایکن ورته سینه انتقال ایوب ایتمدیکنک تدقیقه
مدیون مرقومک مالی اولدیفی اصولاً ثابت
اولدیفی صورتده دینک ایفاسینه کافی دیگر مالی
بولوب بولندیفی تدقیق ایدیله رک تبیین ایده جک
حاله کوره معامله اولنق لازم کلور کن محکمه
مذکور بجه بویولده اجرای معامله وتدقیقات
اولنقسزین برمنوال محرر اعطای حکم اولنمسی
یولسز ومخالف قانون اولدیغندن اصول محاکمه
حقوقیه قانوننک ایکوز اوتوز ایکنجی ماده سی
موجب بجه اعلام مذکورک نقضیه قانون
مذکورک ایکوز قرق دردنجی ماده سی حکمنه
توفیقاً کیفیتک صور مشروحه دائره سنده بالرؤیه
اعلامه ربطی ضمنتده محکمه مذکور به اعاده سینه
وزیرده مفرداتی مرقم اوچیوز سکسان الی
غروش مصارف محاکمه نك ایلروده حقسز

حقیقه جق طرفه رجوع ایتمک اوزره اول امرده
مستدعی تمیز حاجی محمد افندیدن اخذینه
۸ تشرین ثانی سنه ۱۲۱۱ تاریخنده متفقاً قرار
ویرلدی .

ایکنجی محکمه تجارتدن ۴ مارت سنه ۱۲۱۱
تاریخی ویدی یوز اون بش عددی ایله ویریلان
اعلامک تمیزینی استدعا ایدن بشکطاشده
اخلامورده یماندینک غازیوسی اتصالنده کی
خانه ده مقیم تبعه ایرانیه دن بارکی مکاره جیسی
علی اغا وکیلی محمود رفیق افندی ایله مدعی علیه
محل مذکورده ساکن اربهی یوصف وکیلی
زقار افدینک یوم معینده دائره به ورود ایتمش
اولملر یله ایضاحات شفاهیله باش مدعی عمومی
معاونلرندن سعادتلو یورغا کی افدینک مطالعه سی
استماع قلندقدن صکره تدقیقات تمیزیه اجراسنه
ابتدار اولندی .

اعلام مذکورک خلاصه مالی مزبور یوصفک
علی اغا ذمتنده برقطعه سندله ایکی بیک واربه
اتمانندن ایکی بیک بشیوز که جمعاً درت بیک

بشویوز غروش الاجفك اعتراض وقوعه
اثبات مدعا اولمق اوزره مع فائض مرقوم علی
اغادن تحصیلنه حکمدن ومستدعی تمیز علی اغا
وکیلی رفیق افندیك اشبو حکم علیه نه کی
اعتراضاتك باشلوجه سی مولكك ایرانی اولسنه
کوره درجه اولی محکمه سنجه اثنای محاکمه ده
ترجانتك حضوری لازم کلور. ایکن بوجهتک
نظردفته التامغه برابر طرفینک تاجر ومعامله
واقعہ نک مواد تجاربه دن منبعث اولدینی حالده
کفالتی متضمن اولان سندک امره محرر اولسندن
ناشی دعواى حاضرہ نک وظیفه خارجده رؤیت
اولد یقندن بمثلہ اعلامک نقضی ومدعی علیه
وکیلک نتیجه جوابی دخی بدایه صادر اولان
اعلام حکمنه مزبور علی اغا طرفدن عدم قناعتله
اعتراض علی الحکم اولدینی حالده اولبا بدہ اعطا
قلنان عرضحالده تابعیتی کتم اولمش مستند ادعا
اولان سندک امره محرر اولوب معامله واقعہ نک
دخی تجارتدن منبعث بولمش اولسنه کوره
اعتراضات واقعہ نک واهی وبی اساس اولدینی
بیانیله ردی واعلام مذکورک تصدیقی استدعاسندن
ومعاون مومی الیهک مطالعه سی دخی مزبور علی
اغانک نقل اشیا ایلہ مشغول مکاره جی اولسنه
کوره ذیل قانون تجارتک یکریمی سکرنجی ماده سی

ایجابی مذا کره اولندقدہ اعلام مذکور
مندرجاتندن مفہم اولدینه کوره مزبور علی اغا
بدایه کندوسنه تبلیغ اولنان دعوتیه ورقه سی
زیرینہ ایرانی اولدینه دائر برشرح ویرمکسزین
ورقه مذکورہ بی امضا ایتدیکی کبی اولبا بدہ
صادر اولان اعلام غیابی علیه نه اعتراض ایتدیکی
حالده دخی تابعیتی کتم ایش اولسنه کوره
مرقومک تمیزاً تابعیتندن بحث ایتمی غیر جائز
اولغله برابر کندوسنک نقل اشیا ایلہ مشغول
مکاره جی اصنافندن اولدینه مبنی معاون مومی
الیهک مطالعه سی وجهله وظیفه حقنہ درمیان
اولنان اعتراضک ردینہ قرار ویرلدیکندن صکره
اساس ماده نک مذا کره سنہ کریشلکده مزبور
علی اغانک دعوتہ اجابت ایتامسی اوزرینہ تعیین
اولنان وکیل مسخر مواجبه سنده مستند ادعا
اولان سند زیرنده کی امضا حقنہ تطبیقات
قانونیه اجرا واجیقندن استنلات مبالغ حقنہ
دخی مدعینک دعوی وینہ سی استماع اولنہ رق
مقارن صحت اولدینی تقدیرده بعدالاثبوت حکم

اولمق احکام قانونیه اقتضاسندن اولدینی حالده
اثباتک اعتراض وقوعه تعلیقہ حکم اولمسی
مغایر قانون اولدینه بناء اصول محاکمه
حقوقیه قانونک ایکوز قرق برنجی ماده سی
موجبجه اعلام مذکورک نقصنه وایکیوز قرق
دردنجی ماده سی حکمنه توفیقاً کیفیتک صورت
محرره دائره سنده یکیدن بالرؤیه اعلامه ربطی
ضمننده محکمه مذکورہ باعاده سنه وزیرده مفرداتی
محرر درتیوز یکریمی طقوز بحق غروش مصارف
تمیزیه نک ایلروده حقمنز حقیقه جق طرفه رجوع
ایتمک اوزره اول امرده مستدعی تمیز علی
اغادن النسنه ۲۵ ایلول سنہ ۳۱۱ تاریخنده متفقاً
قروار ویریلرک تفہیم قلندی .

ودینہ قضاسی بدایت محکمه سندن ۲۵ نیسان
سنہ ۳۰۹ تاریخی وایچ عددی ایلہ ویریلان
اعلامک تمیزینی استدعا ایدن ودینہ قضاسنک
استروه قریه سنده ساکن چفتجی طانه ولد ایلقو
ایلہ مدعی علیه فیلورینہ قضاسنک ابانہ لی قریه سنده
مقیم ترزی قرسته ولد پتره یوم معینده دائره

کد کلرندن اصول محاکمه حقوقیه قانونک ایکوز
یکرمی طقوزنجی ماده سی موجبجه تدقیقات
تمیزیه اجراسنه ابتدار اولندی .
اعلام مذکورک خلاصه مآلی مرقوم قرسته
استروه قریه سنده کائن مرقوم طانه ایلہ بروجه
نصفیت باطابو متصرف اولدینی معلوم الحدود برباب
خانه سنک ابنہ سی مرقوم طانه هدم وتخریب
ایدرک کندوسنه بشویوز غروش راده سنده
برضرر ایراث ایش اولدینندن بونکله جهات
سائرہ دن طولانی بر موجب سند الاجنی
اولان بیک سکز یوز الی غروشک تحت حکمه
النسی ومنازع فیہ خانه نک تفریق وتقسیم
طلب ودعوی وتنبیر مدعا ضمننده برقطعه طاپو
سندی ابراز واعطا ایتسنه قارشو عندالحاکمه
مدعی علیه مرقوم طانه دخی میرز سندات
مندرجاتی بعد التصدیق یالکز بش لیرا الدینی
اقرار وجهات سائرہ سی انکار ایلہ منازع فیہ
خانه بی اوچیوز سکز سنہ سنده ومحضر شهودده
بینلرنده تقسیم ایدرک حصه سنہ اصابت ایدن
محلی تعمیر ایلدیکنی مدافعه تذکار ایلمسی اوزرینہ
جریان ایدن محاکمات وتدقیقات نتیجه سنده
مدعی مزبور قرسته نک میرز سند موجبجه

مدعی علیه مرقوم طانه ذمتنه اون ایکی لیرا
الاجنی اولدینی استماع قلنان شهودك شهادت
واقعه سیله و مذکور خانه نك تقسیم ایلدیکی دخی
مدعینك اجرا قلنان تحلیفه ثابت اولدیغندن
مجلسه نك بیک سکیز یوز اون سکیزنجی ماده سی
موجبجه مدعابه اولان مذکور اون ایکی لیرانك
مدعی علیه مرقوم طانه دن تحصیلیه مدعی قرسته یه
ما بعدی وار

اعلان

دعوی وکیلرندن خره لمبوس اغنیادیس
افدینك مقدما قاسم پاشاده مقیم اولوب الیوم
اقامتگاهی مجهول بولنان نیکده لی بقال یورکی
ولد کریلوس علیه نك اوغلی بدایت محکمه سی
ایکنجی حقوق دائره سنده اقامه ایلدیکی اله جق
دعواسنك فصل ورؤیتی اشبو اوچ یوز اون ایکی
سنه سی ماه تشرین ثانینك اون سکیزنجی بازار
ایرتسی کوننه قرارلشد یریلورق اولبابده تنظیم
قلنان برقطعه دعوتنامه اصول محاکات حقوقیه
قانوننك یکر می التنجی ماده سی موجبجه محکمه
دیوانخانه سنه تعلیق ایلدیکنندن مرقومك یوم
مذکورده ساعت الی راده لرنده بالذات محکمه یه
کلدیکی ویاخود سند مصدق له بروکیل کوندرمدیکی

حالده حقنده معامله قانونیه نك اجرا قلنه جنی
معلوم اولق اوزره اعلان کیفیته ابتدار اولنور .

فی ۷ جمادی الاولی سنه ۳۱۴

و فی ۳ تشرین اول سنه ۳۱۲

ایران دولتی تبعه سندن و تبحار دن والده
خاننده ساکن ایکن بوکره خان مذکورده
اولدینی واقامتگاهی مجهول بولندینی سفارتی
طرفندن خبر ویریلان تبریزی حاجی رضا افانك
اوستریا دولتی تبعه سندن اوستریاده آلت این
درور شهرنده مقیم چیمبریان نام فاجر علیه نه
درسعاد محکمه تجارتی برنجی مجلسنده اقامه
ایلدیکی اعتراض علی الحکم دعواسنك بیک
اوچ یوز اون ایکی سنه سی تشرین ثانینك التنجی
چهارشنبه کونی ساعت التیده فصل ورؤیت
اولنه جفندن یوم ووقت مزبورده معترض مرقوم
حاجی رضا افانك محکمه مذکورده بالذات حاضر
بولنسی ویاخود مصدق سندله بروکیل کوندرمی
لازم کله جکی وشاید کلز وکیل کوندرمن ایسه
حقنده عن الغیاب معامله قانونیه نك اجرا اولنه جنی

معلوم اولق اوزره تنظیم اولنان دعوتیه ورقه سی
محکمه نك دیوانخانه سنه تعلیق اولدینی اعلان
اولنور .

فی ۱۰ جمادی الاولی سنه ۳۱۴

و فی ۵ تشرین اول سنه ۳۱۲

طاوق بازارنده یاغجی خاننده مقیم ایکن
بوکره خان مذکورده بولنان اوطنه سی قیایوب
فرار ایتدیکی خان مذکور اوطنه باشیسی طرفندن
افاده و بیان اولنان پولیجه جی پیلیوس انکجیانك
داود پاشاده شمندوفر قلمه سی قربنده صمانجی
مغازه سنده مقیم کوفه جی حسین اغا بن مصطفی
علیه نه درسعادت ایکنجی محکمه تجارتده اقامه ایلدیکی
محجوز اون اوچ عدد لیرانك کندوسنه تسلیمی
ادعاسنك موقنأسقوطنه دائر فی ۳۰ ایلول سنه ۳۱۲
تاریخی ودرتیوزاون اوچ نومرولی اعلام غیابینك
برقطعه صورت مصدقه سی مرقومك برمنوال
محرر اقامتگاهی مجهول بولندینی جهته اعلایا تبلیغی
مرقوم حسین اغا طرفندن طلب اولنمش اولمغه
اصول محاکمه تجارت نظامنامه سنك یکر منجی
ماده سنك دردنجی فقره سی احکامنه قیاساً تبلیغ
اولنمش عد اولنق اوزره محکمه نك دیوانخانه سنه

تعلیق اولدینی کبی اوراق حوادث واسطه سیله
دخی اعلانی لازم کلش و تارخ اعلاندن اعتباراً
قرق برکون ظرفنده مرقوم پیلیوس اینکجیان
بالذات محکمه یه مراجعتله اثبات وجود ایتدیکی
تقدیرده صورت اعلام کندوسنه تبلیغ اولنمش
عدیه حکمنك اجرا اولنه جنی معلوم اولق
اوزره اعلان اولنور .

فی ۱۰ جمادی الاولی سنه ۳۱۴

و فی ۵ تشرین اول سنه ۳۱۲

عثمان افندینك درسعادت بدایت محکمه سی
برنجی حقوق دائره سندن استحصال ایلدیکی
برقطعه اعلام موجبجه عثمان فخری افندی
ذمتنه محکوم به الاجنی اولان مبالغت تأمین
تسویه سیچون مدیون مومی الیهك عهده تصرفنده
اولوب حجز وفروختی قرارلشد یریلان ایاصوفیه
کبیر محله وجاده سنده جامع شریفی حوالیسنده واقع
مقدما یوز اون والیوم درت نومرولی دکانده
درت حصه اعتباریه بر حصه کدکله درت حصه
اعتباریه ایکی حصه ملکتنك التمش برکون اجرا

میخالا کی قومیا نوسک بالذات محکمه مذکورده
حاضر بولنمسی ویاخود مصدق سندنله بروکیل
کوندرمسی لازم کله جکی وشاید کلز و وکیل
کوندرمز ایسه حقنده معامله قانونیه نک اجرا
اولنه جنی معلوم اولوق اوزره تنظیم اولنان دعوتیه
ورقه سی محکمه نک دیوانخانه سنه تعلیق اولندیکی کبی
اوراق حوادث واسطه سیله دخی اعلان اولنور .
فی ۲۸ ربیع الآخر سنه ۳۱۴
وفی ۲۴ ایلول سنه ۳۱۲

صارم اغانک $\frac{۲۰۵}{۱۰۵}$ نومرو سیله مقید اعلام
موجبنجه سرکز مجاریان ذمتنده محکوم به الاجفک
تأمین استیفاسی ضمننده مدیون مرقومک دکا فی
درونده موجود بولنان ایکوز الی عدد چلیک
ایله فضله اولوق بر عدد کیر سلندر شهر تشرین
اولک اون دردنجی بازار ایرتسی کونی غلطه ده
عزب قیوسنده مزایده اولنه جفندن طالب
اولنلرک بوم مذکورده ساعت بش راده لرنده
محل مذکورده حاضر بولنملری اعلان اولنور .
فی ۸ تشرین اول سنه ۳۱۲

(مطبعة عامر ده طبع اولنمشر)

قلنان مزایده علیه نتیجه سنده ایرای عثمانی یوز
غروش حسایلله اوچ بیک اوچیوز غروشد
طالبی عهده سنده تقرر ایتیش ومدتک انقضاسنه
مبنی موقتاً قراردادده سی کشیده قلمش اولدیغندن
بولندن زیادیه یعنی یوزده بش ضمیمه طالب
اولنلرک ودها زیاده معلومات المق استیالرک
اوتوز بر کونه قدر دائریه مراجعت ایلملری
ومدت مذکورک انقضاسنی متعاقب قرار قطعیسی
کشیده قلنه جفندن ضم قبول اولنه میه جنی
درسمادت اعلامات نظامیه اجرا دائره سندن
اعلان اولنور .

فی ۷ تشرین اول سنه ۳۱۲

بک اوغلنده اوئل پترو پولده مقیم قسطلای
انسطاشیادینک غلطه ده خلیل پاشا خاندنده ساکن
ایکن بوکره خان مذکورده بولندیکی واقامتگاهی
مجهول بولندیکی جان مذکور اوطنه باشیسی
طرفندن خبر ویریلان صراف میخالا کی
قومیانوس علیه نه درسمادت تجارت بحریه محکمه
سندده اقامه ایلدیکی التیوز لیرا مطلوبات وتصدیق
جز ادعاسی بیک اوچیوز اون ایکی سنه سی
تشرین اولنک یکرمی طقوزنجی صالی کونی
ساعت التیده فصل ورؤیت اولنه جفندن یوم
ووقت مزبورده مدعی علیه مرقوم صراف